

Siunnersuut uunga: Meeqjanik pinerliisimannginnermut uppernarsaatnik piumasaqaateqartussaatitaaneq pillugu Inatsisartut inatsisaat.

Atuuffia

§ 1. Inatsisartut inatsisaat manna atuuppoq pisortat ingerlatsinermi oqartussaaffinut tamanut aamma namminersortunut, inunnut aamma inatsisitigut inuttaasunut atorfinitsitaanermut atatilugu aamma inunnut sulisorineqartunut, atorfegarnerminnut sulinerminnulluunniit ilaatillugu meeqjanik 15-it inorlugit ukiulinnik toqqaannartumik attaveqartartunut, tak. § 3.

Meeqjanik pinerliisimannginnermut uppernarsaatit

§ 2. Inatsisartut inatsisaat manna naapertorlugu meeqjanik pinerliisimannginnermut uppernarsaat paasineqassaaq tassaasoq Pinerluuteqarsimasunik Qitiusumik Nalunaarsuiffimmiit paasissutissat, inuit atorfininnerminnut sulilernerminnulluunniit ilaatillugu meeqjanik 15-it inorlugit ukiulinnik toqqaannartumik attaveqartartussat atorfinitsinnissaannut sulilersinnissaannulluunniit atatillugu, piumasarineqarnerata kingorna Naalagaaffiup Politivivinit ingerlateqqinneqarsinnaasoq. Paasissutissat ingerlateqqinneqassapput ilusilerlugin uppernarsaatitut, Pinerluuteqarsimasunik Nalunaarsuiffiup paasiniasimanermiit immikkoortuanit paasissutissanik, aalajangiisimanernik aalajangiisimanermut immikkoortumut allaqqasunik allaqqanikuusunilluunniit imaqartillugu, pinerluttaalisitsinermilu inatsimmi § 79-ip, § 79, tak. § 89-ip aamma § 85-ip unioqqutissimanerannik aamma §§ 74-ip aamma 84-ip meeqqamut 15-it inorlugit ukiulimmut tunngatillugu unioqqutissimanerannut atatillugu paasissutissanik.

Imm. 2. Uppernarsaammut imm. 1-imik taaneqartumut aammattaaq ilaapput § 53-imik, § 53, tak. § 52a-mik aamma § 56a-mik unioqqutitsisimanerit pillugit paasissutissat aamma §§ 49-mik aamma 56-imik unioqqutitsisimanerit pillugit paasissutissat tamatumani meeraq 15-it inorlugit ukiulik pinerlineqarsimappat, pinerluttaalitsinermi inatsit 1. januar 2010 sioqqullugu atuuttoq naapertorlugu.

Imm. 3. Nalunaarsukkat assilinerannut imm. 1-imik pineqartumut aamma ilaassapput Pinerluuteqarsimasunik Nalunaarsuiffiup paasiniasimanermut immikkoortuanit paasissutissat aalajangiernut nalunaarsuiffiup aalajangiisimanermut immikkoortuanut allaqqasunik allaqqanikuusunilluunniit nalunaarsugaasut, pillasarnermut inatsimmi § 222-mik, § 222, tak. §§ 224 aamma 225-mik unioqqutitsisimanernut tunngasut aamma §§ 210 aamma 232-mik unioqqutitsisimanernut tunngasut, tamatumani meeraq 15-it inorlugit ukiulik pinerlineqarsimappat.

Imm. 4. Imm. 1–3, tak. § 3, meeqjanik pinerliisimannginnermut uppernarsaat aatsaat piniarneqarsinnaavoq paasissutissani pineqartup allakkatigut akuersineratigut. Akuersinermiit ukiup ataatsip qaangiunnerani akuersissut atorunnaassaaq. Akuersissummut makku pillugit paasissutissat ilaassapput:

- 1) paasissutissat suut ingerlateqqinneqarsinnaanersut
- 2) paasissutissat kimut ingerlateqqinneqarsinnaanersut, tassunga ilanngullugu Kalaallit Nu-nanni pisortanut aalajangersimasunut, suliffeqarfinnut, peqatigiiffinnut il.il., aamma
- 3) tigisisussatut allaqqasumit paasissutissat qanoq atorneqarsinnaanersut.

Imm. 5. Meeqjanik pinerliisimannginnermut uppernarsaatip piniarnerani pisortaqarfiiup, suliffeqarfiiup, peqatigiiffiup il.il., tak. § 3, imm. 1-2, nalunaassavaa, meeqjanik pinerliisimannginnermut uppernarsaammi paasissutissat siunertamut sumut atorneqarniarnersut.

Meeqjanik pinerliisimannginnermut uppernarsaammik piniarnissamut pisussaaffik

§ 3. Pisortaqarfiiit, suliffeqarfiiit, atuarfiit peqatigiiffiillu makku meeqjanik pinerliisimannginnermut uppernarsaatinik piniartussaataapput, tak. § 2, inuit pisortatut, assistentitut, ilinniartitsisutut, atuartitsisutut, perorsaasutut, perorsaasunut ikiorttitut, klubbin perorsaasutut, angerlarsimaffimmi paarsisartutut, plejeritut_angerlarsimaffimmi paarsisuni perorsaasutut, angajoqqaarsiatut, barne- og socialhjælperitut, isumaginninnermi siunnersortitut, paarsisutut, pedelitut, pedelinut ikiorttitut, nakorsatut, juumuutut, peqqissaasutut, sundhedsassistantitut, sundhedsmedhjælperitut, fyioterapeutitut, napparsimasunik ikiorttitut, portøritut, igaffimmi kantiinanilu sulisutut, eqquiaasutut, atuarfimmi psykologitut, tale/hørepædagogitut, tapertaalluni perorsaasutut, ilitsersuisutut, tassunga ilanngullugit pinngortitaq pillugu ilitsersuisutut, ilinniarluni sulinermik sungiusartutut, allaffissornikkut sulisutut, nalunnermik ilinniartitsisutut, naluttarfinni sulisutut aamma atorfanni pineqartuni taartaasutut atorfinitssinnejqassatillugit sulisinnejqassatillugilluunniit:

- 1) Kommunalbestyrelsi meeqqat atuarfinut, kommunimi ulloq-unnuarlu suliffeqarfinnut, kommunimi ulluunerani neqeroorutinut, kommunimi meeqqanut 15-it inorlugit ukiulinnut sunngiffimmi klubbinilu neqeroorutinut oqartussaasutut aamma meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut peqqussutaat naapertorlugu angerlarsimaffimmi namminersorlutik paarsisartunik akuersinerminnut atatillugu aamma meeqqanik 15-it inorlugit ukiulinnik nalinginnaasumik angajoqqaarsianut, tassangaaannartumik angajoqqaarsiaasartunut, inuutissarsiutigalugu angajoqqaarsianut aamma ilaqtariinnik oqilsaasunut inissiinnginnermi.
- 2) Naalakkersuisut, napparsimavinnut, Dronning Ingridip Napparsimavia ilanngullugu, Namminersorlutik Oqartussat ulloq-unnuarlu, innarluutilinut tunngasut ilanngullugit, suliffeqarfiiut oqartussaasutut.
- 3) Ulloq-unnuarlu suliffeqarfiiit imminnut pigisut namminersortullu imaluunniit namminerisamik ulluunerani, sunngiffimmi klubbitullu neqerooruteqartut meeqqanut 15-it inorlugit ukiulinut saaffiginnittut.
- 4) Tunngaviusumik atuarfiit namminersortut, tunngaviusumik atuarfiit namminersortut aamma angerlarsimaffimni atuartitsineq il.il. efterskolillu pillugit Inatsisartut inatsisaat naapertorlugu atuartitsinermik neqerooruteqartut suliffeqarfittullu imminnut pigisutut ingerlanneqartut.
- 5) Peqatigiiffiit namminersortut, meeqqanik 15-it inorlugit ukiulinnik sammisaqartut.

Imm. 2. Aammattaaq peqatigiiffiit il.il. makku meeqqanik pinerliisimannginnermut uppernarsaatinik piniartussaataapput, tak. § 2, inunnut pisortaqarfimmot, peqatigiiffimmot il.il. attuumassuteqalersunut atatillugu, meeqqanik 15-it inorlugit ukiulinnik sungiusaasutut, ilitsersuisut, holdlederitut, aqutsisutut, ikiorttitut, ilinniartitsisutut atuartitsisutulluunniit ingerlatsisussanut, taakkununnga ilanngullugit ikiortit, taartaasut, kingoraartaasut aamma ilinniartut sungiusarlutik sulisut:

- 1) Timersoqatigiiffiit, Kalaallit Nunaanni Timersoqatigiiffiit Kattuffiannut ilaasortaasut.
- 2) Timigissartarfiiit.
- 3) Nipilersornermik qitinnermillu ilinniarfiiit.
- 4) Spejderit.

Imm. 3. Kalaallit Nunaanni Ilagiinni atorfinitssisartutut oqartussaasup inunnik biskoppitut, provsttit, palasitut, ajoqitut pattattutullu atorfinitssinnginnermini sulsitsilinnginnerminiluunniit pisussaaffigaa, meeqqanik pinerliisimannginnermut uppernarsaammik piniarnissaq, tak. §

2. Aammattaaq upperisarsioqatigiinni Ilagiit Kalaallit avataanniittuni atorfinititsisartutut
oqartussaasumit imaluunniit oqartussaasunit qularnaarneqassaaq, palasimik atorfinititsi-
sisoqannginnerani sulilersitsisoqannginneraniluunniit meeqqanik pinerliisimannginnermut up-
pernarsaamnik piniartoqarnissa.

Imm. 4. Imm. 1-3 naapertorlugit meeqqanik pinerliisimannginnermut uppernarsaatinik piniartissamut pisussaaffik taamaallaat atuuppoq inunnut atorfiniterrerninnut sulilernerminnulluunniit atatillugu pisortaqarfimmut, suliffeqarfimmut, atuarfimmut peqatigiifimmulluunniit aalajangersimasumik attuumassuteqalersunut. Aalajangersimasumik attuumassuteqarneq paasineqassaaq tassaasoq, atorfiniterrermiit imaluunniit sulilernermiit inuup attuumassuteqarnera ataasi-aannarnerunani sivikitsuinnaanngitsoq. Taama pisoqartillugu meeqqanik pinerliisimannginnermut uppernarsaat pissarsiarineqarsimassaaq, pineqartup atorfinitnginnerani sulilinnginneraniluunniit. Taamaattoq qanorluunniit pisoqaraluarpat meeqqanik pinerliisimannginnermut uppernarsaat pissarsiarineqareersimassaaq inuup pisortaqarfimmut, suliffeqarfimmut, atuarfimmut, peqatigiiffimmut il.il. qaammatit pingasut qaangerlugit attuumassuteqalerneraniit kingusinnerpaamik sapaatip-akunnerisa pingasut qaangiunneranni, piffissallu taassuma iluani minnerpaamik pingasoriarluni imaluunniit minnerpaamik sapaatip-akunnera ataaseq ataavartumik atorfinni imm. 1-3-mi pineqartuni sulisimappat. Tamannali taamaallaat atutissaaq pineqartoq pisortaqarfimmut, suliffeqarfimmut, atuarfimmut, peqatigiiffimmut il.il. attuumassuteqartuasappat.

Imm. 5. Imm. 1-3-mi pineqartutut inuk pisortaqarfup, suliffeqarfup, atuarfup, peqatigiiffiup il.il. ataatsip iluani atorfimmut suliffimmulluunniit allamut nuuppat meeqqanik pinerliisimannginnermut uppernarsaat piniarneqaqqitariaqangilaq. Assinganik atuuppoq pineqartoq atorfinititsaaqqippat sulilerseqqitaappalluunniit, pisortaqarfimmut, atuarfimmut, suliffeqarfimmut, peqatigiiffimmut il.il. attuumassuteqarunnaarallarnera pissusissamisuuginnartumik sulinngikkallarnermik peqquteqarpat, assersuutigalugu ukiumit atuarfiusumiit tullianut ikaarsaarnermi imaluunniit piffissami aalajangersimasuni sulinermiit tullianut ikaarsaarnermi.

Imm. 6. Naalakkersuisut meeqqanik pinerliisimannginnermut uppernarsaatinik pissarsin-
artaneq pillugu malittarisassaliorsinnaapput, tassunga ilanngullugu nakkutilliineq pillugu,
aamma aalajangersinnaavaat, meeqqanik pinerliisimannginnermut uppernarsaatinik pissarsin-
artarnermut aammattaaq atorfillit sulisullu imm. 1-3 taaneqartut avataanniittut ilaatinneqas-
sasut.

§ 4. Pisortat aamma namminersortut inatsisitigullu inuttaasut § 3 naapertorlugu meeqqanik pinerliisimannginnermut uppernarsaatinik piniartut, meeqqanik pinerliisimannginnermut uppernarsaatit tiguniariutaa aserortertassavaat aammalu teknikkikkut aaqqissuussinikkullu qularnaassallugu meeqqanik pinerliisimannginnermut uppernarsaatinini paassisutissat susassaqann-gitsunit takuneqannginnissaat, atornerlunneqannginnissaat allatigulluunniit Inatsisartut inatsisaata matuma akerlianik pineqannginnissaat.

Pineqaatissiissutit pillugit aalajangersakkat

§ 5. § 3-p unioqqutinera akiliisitaanermik nassataqassaaq. Aammattaaq akiliisitsisoqassaaq meeqqanik pinerliisimannginnermut uppernarsaammi paassisutissat akuerisaanngitsumik ingerlateeqqinnejqarpata.

Imm. 2. Ingerlatseqatigiiffik, peqatigiiffik, suliffeqarfik imminut pigisoq, aningasaateqarfik assigisaalluunniit unioqqutitsippat, inatsisitigut inuttaasoq akiliisussanngortitaasinnaavoq. Suliffeqarfik, naalagaaffimmit, Namminersorlutik Oqartussanit, kommunimit kommunilluunniit ataatsimooqatigiiffiannit, communalbestyrelsit nunaqarfinnilu aqtsisut il.il. pillugit Inatsisartut inatsisaannut ilaasumit, aktieselskabimit, piginneqatigiiffimmit assigisaanilluunniit ta-

makkiisumik ilaannakortumilluunniit ingerlanneqartoq unioqqutitsippat, suliffeqarfik akili-isussanngortitaasinnaavoq. Tamannattaaq atuuppoq unioqqutitsisut tassaappata Namminersorlutik Oqartussat, kommuni imaluunniit kommunit ataatsimooqatigiiffii, communalbestyrelsit nunaqarfinnilu aqutsisut il.il. pillugit Inatsisartut inatsisaannut ilaasut.

Imm. 3. Inatsisartut inatsisaat manna naapertorlugu maleruaqqusaliani, maleruaqqusaliamic unioqqutitsinerit akiliisitsinermik pineqaatissineqarsinaaneri aalajangersaaffigineqarsinnaapput.

Atuuttuulerfia

§ 6. Inatsisartut inatsisaat atuutilerpoq 1. august 2010 atuulluni atorfinititsinernut suliersitisinernulluunniit 1. august 2010-miit kingusinnerusukkullu pisunut.

Namminersorlutik Oqartussat, ulloq xx .xx 2010

Kuupik Kleist

/

Mimi Karlsen